

Belfeldia Vet. - Hôrs Vet. Uitslag: 6-2

Datum: 29-10-2022

Flink ingesmeerd en met de zonnebril op kwaame we bej elkaar op sportpark De Spil.

Vandaag stong de wedstried teage Hôrs op ut programma.

Leuk veur die jonge oet Hôrs auk um eindelijk us mij te maken um eg aan de Maas te woene, want de gemeente "Horst aan de Maas" is eigenlijk gewuun ruig doon met iets wasse zelf neet hes ma un paar kennisse um dich heer wal.

Afijn.

Veur de wedstried zei ozze trainer Arsène Wenger det we ut hiel moeilijk zouwe kriege, bangmakerie achterAAF.

Noa 10 minuten waas ut al duudelijk, die jonge van Hôrs waare net jonge katjes die achter in laserpen aan zoote maar ut roeie puntje neet te pakke kreege.

Al gauw door un frommelgoal via de lat kwaame we op 1-0.

Nog gen 5 min later waas ut Stephan Holtman dea de bal strak achter de keeper kupte.

Daniël volgde al gauw met un doelpunt door de vol op de sloef te pakken, juichend alsof der veur de ierste kier Paella had gegeate leep der weg.

Wee weite wal beater!

Net veur de rust scoorde Joey nog de 4-0, stifje van boete de 16, wereldgoal!

Zoe get zuuse normaal allein op de tillevisie maar dea duit det gewuun op zoaterdagmiddaag.

Toen ut rus waas had idderein weer ff tied ziene bezweite bilnaad druug te maken.

Noa de rus kwaam Hôrs get sterker truuk, ma niks um bang van te weere.

4-1 strak in de hook.

Wouter maakte de 5-1 door uitstekend laupwerk van Rob 'the rocket' Backes.

5-2 waas auk wal un fijn goal maar neet zoe moei as die van Joey de ierste helft..

Unne terechte penalty dea good werd benut door Pascal zette de eindstand op 6-2.

Noa de wedstried mochte we eindelijk weer aan de pretcilinders in os vertrouwde kantine.

Waas geteikend Joey Stal